



Javno preduzeće _____
ELEKTROPRIVREDA BOSNE I HERCEGOVINE
_____ d.d. - Sarajevo

TENDERSKA DOKUMENTACIJA

**za prodaju električne energije za period
juli - decembar 2019. godine**

Ref. No. SE19/T-05

Sarajevo, 2019. godine

Sekcija I
Poziv za podnošenje ponuda

11.04.2019.

1. Javno preduzeće Elektroprivreda Bosne i Hercegovine d.d. – Sarajevo (JP Elektroprivreda BiH) poziva sve zainteresovane ponuđače da dostave ponude za kupovinu električne energije za period juli - decembar 2019. godine.
2. Ovaj poziv je upućen svim zainteresovanim domaćim i stranim ponuđačima.
3. Električna energija biće isporučena sa snagom u bandu (svaki dan od 00:00 do 24:00) za svaki Paket, kao što slijedi:

Paket #1:

mjesec	VII	VIII	IX
MW	10	10	10
MWh	7.440	7.440	7.200

Paket #2:

mjesec	X	XI	XII
MW	15	15	15
MWh	11.175	10.800	11.160

Paket #3:

mjesec	X	XI	XII
MW	15	15	15
MWh	11.175	10.800	11.160

Paket #4:

mjesec	X	XI	XII
MW	15	15	15
MWh	11.175	10.800	11.160

Paket #5:

mjesec	X	XI	XII
MW	15	15	15
MWh	11.175	10.800	11.160

Paket #6:

mjesec	X	XI	XII
MW	15	15	15
MWh	11.175	10.800	11.160

Paket #7:

mjesec	X	XI	XII
MW	15	15	15
MWh	11.175	10.800	11.160

4. Isporuka električne energije za sve Pakete je garantovana isporuka.
5. Mjesto isporuke biće: (a) DAP granice elektroenergetskog sistema Bosne i Hercegovine sa Hrvatskom ili Srbijom ili Crnom Gorom; ili (b) unutar elektroenergetskog sistema Bosne i Hercegovine.
6. Prekogranični prijenosni kapacitet biće obezbijeden od strane ponuđača (Kupca) za isporuku na granici elektroenergetskog sistema. Sve eventualne troškove vezane za obezbjeđenje prekograničnog prijenosnog kapaciteta snosi ponuđač (Kupac).
7. Ponude moraju biti zaprimljene od strane JP Elektroprivreda BiH najkasnije do 10:30 sati, 19.04.2019. godine, na adresi:
JP Elektroprivreda BiH d.d. – Sarajevo, Vilsonovo šetalište 15, 71000 Sarajevo, Bosna i Hercegovina.
8. Tenderska dokumentacija može biti preuzeta od strane zainteresovanih ponuđača sa *web* stranice (www.elektroprivreda.ba), ili u printanoj formi u prostorijama JP Elektroprivreda BiH.
9. Ponude će biti otvorene u prisustvu predstavnika ponuđača koji odluče da prisustvuju otvaranju ponuda, 19.04.2019. godine, u 11:00 sati, u prostorijama JP Elektroprivreda BiH d.d. – Sarajevo, Vilsonovo šetalište 15, Sarajevo.
10. Sve dodatne informacije mogu se dobiti najkasnije do 17.04.2019. do 15:30 od gđin Muris Dlakić (+387 33 751 363; m.dlagic@epbih.ba), ili na fax: +387 33 751 302.

Sekcija II

Instrukcije za ponuđače

A. Uvod

- 1. Uvod**
- 1.1 Javno preduzeće Elektroprivreda Bosne i Hercegovine d.d. – Sarajevo (u daljem tekstu JP Elektroprivreda BiH), objavljuje poziv za prodaju električne energije za period od 01.07.2019. do 31.12.2019. godine.
- 1.2 Ovaj poziv se objavljuje u okviru djelatnosti trgovine električnom energijom koja, prema Članu 55, tačka (2), Zakona o električnoj energiji u Federaciji Bosne i Hercegovine (Službene novine Federacije BiH, broj 66/13) podrazumijeva prodaju i kupovinu električne energije i koja isključuje prodaju električne energije krajnjem kupcu.
- 1.3 Domaći ponuđač (u daljem tekstu ponuđač) je kompanija čije je sjedište u Bosni i Hercegovini i koja posjeduje licencu za trgovinu izdatu od strane nadležne regulatorne agencije u Bosni i Hercegovini. Strani ponuđač (u daljem tekstu ponuđač) je kompanija čije je sjedište izvan Bosne i Hercegovine i koja je registrovana za obavljanje poslova trgovine električnom energijom.
- 2. Troškovi pripreme ponude**
- 2.1 Ponuđač snosi sve troškove pripreme i podnošenja njegove ponude i JP Elektroprivreda BiH neće ni u kojem slučaju biti odgovorna niti će snositi takve troškove, koji su u vezi ili nastanu kao posljedica nadmetanja.

B. Tenderska dokumentacija

- 3. Sadržaj Tenderske dokumentacije**
- 3.1 Zahtjevi, procedure, kao i uslovi Ugovora, su opisani u Tenderskoj dokumentaciji. Tenderska dokumentacija uključuje:
- Sekcija I – Poziv za podnošenje ponuda
 - Sekcija II – Instrukcije za ponuđače
 - Sekcija III – Obrasci:
 - Ponuda – obrazac
 - Izjava o obezbjeđenju garancije – obrazac
 - Garancija za uredno plaćanje – obrazac
 - Sekcija IV – Forma Ugovora.
- 3.2 Ponuđač se upućuje da prouči sve instrukcije, obrasce, uslove i specifikacije u Tenderskoj dokumentaciji. Propust da se obezbijede sve informacije koje se zahtijevaju Tenderskom dokumentacijom, ili da se dostavi ponuda koja nije u skladu sa Tenderskom dokumentacijom u bilo kojem aspektu, biće na ponuđačev rizik i može rezultirati odbacivanjem njegove ponude.
- 3.3 U bilo kojem trenutku prije krajnjeg roka za predaju ponuda, JP Elektroprivreda BiH može iz bilo kojeg razloga, bilo na sopstvenu inicijativu, ili kao odgovor na razjašnjenje zahtjevano od potencijalnih ponuđača, izmijeniti Tendersku dokumentaciju putem amandmana.
- 3.4 Zainteresovani ponuđači koji preuzmu Tendersku dokumentaciju u štampanoj kopiji, ili su obavijestili JP Elektroprivreda BiH da su preuzeli dokumentaciju sa *web* stranice JP Elektroprivreda BiH, biće obaviješteni o amandmanima koji će biti obavezujući. Takvi amandmani biće objavljeni na isti način kao i Poziv za podnošenje ponuda.

C. Tehnički uslovi

4. **Tehnički uslovi**
- 4.1 Električna energija biće isporučena u skladu sa standardnim uslovima koji se primjenjuju za evropsku interkonekciju (ENTSO-E).
- 4.2 Električna energija biće isporučena sa snagom u bandu za svaki Paket (svaki dan od 00:00 sati do 24:00 sati), kako što je navedeno u **Sekciji I, Poziv za podnošenje ponuda**.
- 4.3 Za svaki Paket mora biti specificirano samo jedno Mjesto isporuke: (a) DAP granice elektroenergetskog sistema Bosne i Hercegovine sa Hrvatskom, ili sa Srbijom, ili sa Crnom Gorom; ili (b) unutar elektroenergetskog sistema Bosne i Hercegovine.
- 4.4 Ponuđač može dati ponudu za bilo koji Paket, ili za dva Paketa. Ponuda se mora odnositi na kompletan iznos snage/energije za svaki ponuđeni Paket (Pakete) (vidjeti **Sekciju III, 1. Ponuda – obrazac**).

D. Priprema ponude

5. **Jezik**
- 5.1 Ponuda pripremljena od ponuđača, kao i sva korespondencija i dokumentacija vezana za ponudu razmijenjena između ponuđača i JP Elektroprivreda BiH, biće na engleskom jeziku, ili na jednom od službenih jezika u Bosni i Hercegovini. Prateći dokumenti dostavljeni od strane ponuđača mogu biti i na drugim jezicima, s tim da ponuđač obezbijedi zvaničan prijevod relevantnih dijelova na engleski jezik, ili na jedan od službenih jezika u Bosni i Hercegovini. Za potrebe tumačenja ponude, prevladava prijevod.
6. **Sadržaj ponude i dokumentacija da je ponuđač kvalifikovan**
- 6.1 Ponuda pripremljena od ponuđača će sadržavati sljedeće:
- a) **Obrazac ponude** sa fiksnom jediničnom cijenom i Mjestom isporuke za svaki Paket u skladu sa tačkama od 4.2 do 4.4, rokom važenja ponude, uslovima plaćanja i sa izjavom da ponuđač prihvata sve odredbe Tenderske dokumentacije uključivo i Formu Ugovora;
- b) **Izjavu ponuđača** u kojoj navodi da će najkasnije do 10.06.2019. godine (u slučaju da je ponuđaču dodijeljen Paket #1), odnosno do 10.09.2019. godine (u slučaju da je ponuđaču dodijeljen jedan ili više Paketa od #2 do #7), dostaviti bankarsku garanciju za uredno plaćanje u formi propisanoj tenderskom dokumentacijom od banke navedene na izjavi, a koja je prihvatljiva za JP Elektroprivreda BiH;
- c) **Dokumentacija da je ponuđač kvalifikovan za ponudu i realizaciju Ugovora** u slučaju da njegova ponuda bude prihvaćena:
1. Izvod iz sudskog ili drugog registra države sjedišta ponuđača, kojom ponuđač dokazuje da je registrovan za obavljanje predmetnih poslova, original ili ovjerena kopija, ne starija od 6 (šest) mjeseci;
 2. Original ovlaštenja za potpis ponude;
 3. EIC-Code;
 4. Licenca izdata od entitetske regulatorne agencije (FERK ili RERS) u slučaju domaćeg ponuđača;
 5. Godišnji revidirani finansijski izvještaji u skladu sa Međunarodnim standardima finansijskog izvještavanja (MSFI): Bilans stanja i Bilans uspjeha za 2018. godinu. U svrhu ispunjavanja kvalifikacionog kriterija iz tačke 6.3(a), ponuđač može dostaviti (zajedno sa svojim izvještajima) i revidovane konsolidovane finansijske izvještaje Grupe čiji je član;

6. Lista glavnih isporuka izvršenih u 2018. godini koja sadrži količine električne energije (GWh) i imena kupaca potpisana i ovjerena od strane ponuđača. U svrhu ispunjavanja kvalifikacionog kriterija iz tačke 6.3(b), ponuđač može dostaviti listu glavnih isporuka Grupe čiji je član.
- 6.2 **Izbor Banke koja će izdati garanciju ponuđaču i koja je navedena na Izjavi iz tačke 6.1. (b), mora biti prethodno odobrena od strane JP Elektroprivreda BiH. Kako bi dobio odobrenje, ponuđač će poslati email sa nazivom Banke od koje može obezbijediti garanciju, te će u roku od D+1 od dana slanja email-a, dobiti obavještenje (takođe putem email-a) o prihvatljivosti, odnosno neprihvatljivosti navedene Banke.**
- 6.3 Finansijski izvještaji i Lista glavnih isporuka biće osnova za uvjerenost JP Elektroprivreda BiH da ponuđač posjeduje sposobnost neophodnu za realizaciju Ugovora. Ponuđač će biti sposoban i kvalifikovan ukoliko zadovoljava sljedeće kvalifikacione kriterije:
- (a) da je u 2018. godini imao ukupnu prodaju električne energije u količini od najmanje 2 (dva) puta veću od ukupne količine električne energije iz njegove ponude;
- (b) da je njegov ostvareni godišnji prihod u Godišnjem revidiranom finansijskom izvještaju najmanje 2 (dva) puta veći od ukupne vrijednosti njegove ponude.
7. **Valute ponude** 7.1 Jedinične cijene mogu biti izražene u sljedećim valutama: EUR (za strane ponuđače), ili u KM (za domaće ponuđače).
8. **Period važenja ponuda** 8.1 Ponude moraju važiti do i uključivo sa **23.04.2019. godine**. JP Elektroprivreda BiH će ponude sa kraćim rokom važenja odbaciti kao neodgovarajuće.
- 8.2 Izuzetno, JP Elektroprivreda BiH može od ponuđača tražiti pristanak da produži rok važenja ponude. Zahtjev za produženje i odgovor biće u pisanoj formi. Ponuđač može odbiti zahtjev za produženje roka važenja ponude. U slučaju neprihvatanja zahtjeva za produženje roka važenja ponude, smatra se da je navedeni ponuđač povukao ponudu. Pristankom ponuđača za produženje roka važenja ponude, ponuda neće, niti može biti izmijenjena.
9. **Format i potpis ponude** 9.1 Ponuđač će pripremiti jedan original i jednu kopiju ponude, sa jasnom naznakom na svakoj “ORIGINAL PONUDE” i “KOPIJA PONUDE” kako odgovara. U slučaju razlika između njih, preovladava original.
- 9.2 Original i kopija ponude biće otkucane ili ispisane neizbrisivom tintom i biće potpisane od strane ponuđača ili osobe, odnosno osoba ovlaštenih za zastupanje ponuđača.

E. Podnošenje ponuda

10. **Pakovanje i označavanje ponuda** 10.1 Ponuđač će zapakovati jedan original i jednu kopiju u zasebne omotnice, sa naznakom na omotnicama “ORIGINAL PONUDE” i “KOPIJA PONUDE”, kako odgovara. Omotnice će dalje biti umotane u vanjsku omotnicu.
- 10.2 Unutarnje omotnice i vanjska omotnica biće:
- (a) adresirane kao što slijedi:

JP Elektroprivreda BiH d.d. – Sarajevo
Vilsonovo šetalište 15, 71000 Sarajevo
Bosna i Hercegovina

- (b) označene sa nazivom: “**TENDER SE19/T-05**” i sa naznakom: “**NE OTVARAJ PRIJE (DO NOT OPEN BEFORE) 19.04.2019. godine u 11:00**”.

10.3 Unutarnje omotnice će također imati naznaku naziva i adrese ponuđača kako bi se ponuda mogla neotvorena vratiti ponuđaču u slučaju da bude proglašena “zakašnjelom”.

10.4 Ako vanjska omotnica nije zapakovana i označena kako je traženo u tački 10.2, JP Elektroprivreda BiH neće biti odgovorna za slučaj gubitka ili prijevremenog otvaranja iste.

11. Rok za podnošenje ponuda

11.1 Ponude moraju biti zaprimljene od strane JP Elektroprivreda BiH na adresi naznačenoj u tački 10.2 ne kasnije od **19.04.2019. godine u 10:30** sati po lokalnom vremenu.

11.2 JP Elektroprivreda BiH može, po vlastitoj diskreciji, produžiti rok za dostavu ponuda putem amandmana na Tendersku dokumentaciju u kojem slučaju sva prava i obaveze JP Elektroprivreda BiH i ponuđača koja su prethodno navedena za prvobitno utvrđeni rok za podnošenje ponuda sada važi i za novi produženi rok za dostavu ponuda.

12. Zakašnjele ponude

12.1 Bilo koja ponuda koja bude zaprimljena od strane JP Elektroprivreda BiH nakon roka za dostavu ponuda utvrđenog u tački 11. biće odbačena i vraćena ponuđaču neotvorena.

13. Izmjena i povlačenje ponude

13.1 Ponuđač može izmijeniti ili povući svoju ponudu nakon podnošenja ponude, obezbjeđujući da pisana obavijest o izmjeni, uključujući zamjenu ili povlačenje ponude, bude zaprimljena od strane JP Elektroprivreda BiH prije isteka roka za podnošenje ponuda.

13.2 Izmjena ili povlačenje ponude biće pripremljena, zapakovana, označena i poslana u skladu sa tačkom 10. Obavijest o povlačenju ponude može, takođe, biti poslana putem fax-a, ali uz istovremeno slanje potpisane originalne obavijesti, koja treba da bude zaprimljena od strane JP Elektroprivreda BiH ne kasnije od isteka roka za dostavu ponuda.

13.3 Niti jedna ponuda ne može biti izmijenjena niti povučena u vremenu od isteka roka za dostavu ponuda do isteka perioda važenja ponude.

13.4 JP Elektroprivreda BiH ima pravo na naknadu štete u sljedećim slučajevima:

- a) da izabrani Ponuđač povuče svoju ponudu za vrijeme važenja ponude naznačene u obrascu ponude;**
- b) da izabrani Ponuđač propusti ili odbije da potpiše Ugovor u skladu sa tačkom 22.;**
- c) da izabrani Ponuđač propusti ili odbije da dostavi Garanciju za uredno plaćanje u skladu sa tačkom 23.2.**

13.5 Ukoliko nastupi jedan od slučajeva a) ili b) ili c) navedenih u tački 13.4, Ponuđač se obavezuje na naknadu štete JP Elektroprivreda BiH u visini od **20%** vrijednosti svoje ponude.

F. Otvaranje i evaluacija ponuda

- 14. Otvaranje ponuda**
- 14.1 JP Elektroprivreda BiH će sve ponude otvoriti u prisustvu predstavnika ponuđača koji su odlučili da prisustvuju otvaranju ponuda, **19.04.2019. godine u 11:00** sati po lokalnom vremenu, u prostorijama JP Elektroprivreda Bosne i Hercegovine d.d. – Sarajevo, Vilsonovo šetalište 15, Sarajevo. Predstavnici ponuđača koji prisustvuju otvaranju ponuda će se potpisati u registar evidencije njihovog prisustva.
- 14.2 Naziv ponuđača, izmjena ili povlačenje ponude, ponudbena cijena i svi drugi detalji, koje po svom nahođenju JP Elektroprivreda BiH utvrdi potrebnim, biće javno pročitani na otvaranju ponuda. Niti jedna ponuda neće biti odbačena na otvaranju.
- 14.3 Ponude i izmjene koje nisu otvorene i čiji detalji nisu javno pročitani na otvaranju ponuda, neće biti razmatrane u daljoj evaluaciji. Povučene ponude biće vraćene ponuđačima neotvorene.
- 15. Razjašnjenje ponuda**
- 15.1 Za vrijeme evaluacije ponuda, JP Elektroprivreda BiH može po vlastitoj diskreciji zatražiti od ponuđača razjašnjenje njegove ponude. Zahtjev za razjašnjenjem i odgovor biće u pisanoj formi.
- 16. Preliminarno ispitivanje**
- 16.1 JP Elektroprivreda BiH će pregledati ponude da utvrdi da li su kompletne, da li su dokumenti propisno potpisani i da li su ponude u skladu sa Instrukcijama za ponuđače.
- 16.2 JP Elektroprivreda BiH može zanemariti manja odstupanja, neusaglašenosti ili greške u ponudi koje ne predstavljaju materijalno odstupanje, vodeći računa o tome da se ne prejudicira, ili da se utiče na rang bilo kojeg ponuđača.
- 16.3 Prije detaljne evaluacije, saglasno tački 18., JP Elektroprivreda BiH će utvrditi osnovnu usklađenost svake ponude sa Tenderskom dokumentacijom. U svrhu ove tačke, osnovna usklađenost ponude znači da je ista potvrdila sve uslove iz Tenderske dokumentacije bez materijalnih odstupanja. Odstupanja, prigovori ili rezerve u odnosu na kritične odredbe, kao što su Forma Ugovora, Forma Ponude, ili Forma Izjave o obezbjeđenju bankarske garancije, smatrati će se materijalnim odstupanjem.
- 16.4 Ako ponuda ima materijalna odstupanja biće odbačena od strane JP Elektroprivreda BiH i ponuđač neće moći izvršiti korekciju neusklađenosti i na taj način obezbijediti da ponuda bude usklađena.
- 17. Konverzija u jednu valutu**
- 17.1 U svrhu lakše evaluacije i usporedbe, JP Elektroprivreda BiH će izvršiti konverziju jedinične cijene izražene u KM u EUR, primjenom službenog kursa Centralne Banke Bosne i Hercegovine koji važi na dan otvaranja ponuda.
- 18. Evaluacija i usporedba ponuda**
- 18.1 JP Elektroprivreda BiH će evaluirati i usporediti ponude za koje je utvrđeno da su usklađene sa Tenderskom dokumentacijom saglasno tački 16.3.
- 18.2 Evaluacija ponuda uzet će u obzir sljedeće faktore:
- a) **Jediničnu cijenu za Paket #1, odnosno jedinične cijene za sve Pakete od #2 do #7;**
 - b) **U slučaju Paketa od #2 do #7, JP Elektroprivreda BiH će maksimizirati ukupan prihod – to znači da JP Elektroprivreda**

BiH može jedan Paket bilo koje oznake od #2 do #7, dodijeliti većem broju ponuđača (naprimjer, JP Elektroprivreda BiH će dodijeliti dva puta Paket #2 umjesto Paket #2 i Paket #3). To znači da je odlučujući faktor ponudena jedinična cijena, a ne oznaka Paketa na koji ponuđač aplicira.

- 19. Kontakt sa JP Elektroprivreda BiH**
- 19.1 Niti jedan ponuđač ne može kontaktirati JP Elektroprivreda BiH po bilo kojem osnovu vezanom za njegovu ponudu od trenutka javnog otvaranja ponuda do obavijesti o dodjeli Ugovora.
- 19.2 Bilo kakva namjera ponuđača da utiče na odluku JP Elektroprivreda BiH o evaluaciji ponuda, usporedbi ponuda i dodjeli Ugovora, može rezultirati odbacivanjem njegove ponude.

G. Dodjela Ugovora

- 20. Kriterij za dodjelu Ugovora**
- 20.1 JP Elektroprivreda BiH će dodijeliti Ugovore najuspješnijim ponuđačima za čije ponude je utvrđeno da su usklađene sa Tenderskom dokumentacijom i da su najbolje evaluirane ponude.
- 21. Pravo JP Elektroprivreda BiH da prihvati bilo koju ponudu i da odbije bilo koju ili sve ponude**
- 21.1 JP Elektroprivreda BiH zadržava pravo da prihvati ili odbije bilo koju ponudu i da poništi tenderski proces i da odbije sve ponude u bilo koje vrijeme prije dodjele Ugovora bez odgovornosti prema ponuđačima i obaveze prema ponuđačima da obrazlaže takvu odluku.
- 22. Obavijest o dodjeli Ugovora i potpis Ugovora**
- 22.1 Ponuđač može predložiti neke izmjene u Ugovoru koje neće predstavljati materijalno odstupanje, ali u svakom slučaju u roku od 2 (dva) dana od dana primitka prijedloga Ugovora, ponuđač i JP Elektroprivreda BiH će potpisati Ugovor.
- 22.2 U slučaju da ponuđač bude uspješan na dva ili više Paketa od #2 do #7, ponuđaču se šalje jedan Ugovor sa jedinstvenom Ugovornom cijenom zaokruženom na 2 (dva) decimalna mjesta.
- 23. Osiguranje plaćanja**
- 23.1 Ponuđač će dostaviti Garanciju za uredno plaćanje.
- 23.2 Ne kasnije **od 10.06.2019. godine** (u slučaju da je ponuđaču dodijeljen Paket #1), odnosno ne kasnije **od 10.09.2019. godine** (u slučaju da je ponuđaču dodijeljen jedan ili više Paketa od #2 do #7) uspješni ponuđač će dostaviti Garanciju za uredno plaćanje u istoj formi kao što je to utvrđeno u Tenderskoj dokumentaciji, **Sekcija III, Prilog 2. Garancija za uredno plaćanje – obrazac**, a izdatu od banke izdavaoca koja je navedena na obrascu Izjava o obezbjeđenju bankarske garancije. Vrijednost garancije jednaka je maksimalnoj dvomjesečnoj isporuci električne energije za dodijeljeni Ugovor (sa uključenim PDV-om za domaće ponuđače).

Sekcija III
Obrasci
1. Ponuda – obrazac

Naziv tendera: **Prodaja električne energije za period juli - decembar 2019. godine, Ref. No. SE19/T-05**

Za: **Javno preduzeće Elektroprivreda Bosne i Hercegovine d.d. – Sarajevo,**
Vilsonovo šetalište 15, 71000 Sarajevo, Bosna i Hercegovina

Nakon pregleda Tenderske dokumentacije, uključujući amandmane, koje smo u potpunosti primili k znanju, mi, dole potpisani, nudimo da kupimo i preuzmemo električnu energiju u potpunosti i u skladu sa Tenderskom dokumentacijom, uključujući i formu Ugovora, kao što slijedi:

Paket	Jedinična cijena EUR/MWh ili KM/MWh (bez PDV-a)	Jedinična cijena (slovima)	Mjesto isporuke
Paket #1			
Paket #2			
Paket #3			
Paket #4			
Paket #5			
Paket #6			
Paket #7			

Uslovi plaćanja: do 20. tog u mjesecu za isporuku električne energije u prethodnom mjesecu.

Ovlaštena osoba za kontakt i razjašnjenja _____

[ime i prezime, funkcija, kontakt telefon i fax, email].

Ako naša ponuda bude prihvaćena, obavezujemo se da ćemo potpisati Ugovor, dostaviti bankarsku garanciju za uredno plaćanje i preuzeti električnu energiju u skladu sa uslovima specificiranim u Tenderskoj dokumentaciji.

Ukoliko nastupi jedan od slučajeva a), ili b), ili c) navedenih u tački 13.4 tenderske dokumentacije, obavezujemo se da ćemo platiti naknadu štete JP Elektroprivreda BiH d.d. – Sarajevo u iznosu **20%** od vrijednosti naše ponude.

Mi ostajemo pri ovoj ponudi do i uključivo do 23.04.2019. godine i biće obavezujuća za nas i može biti prihvaćena s Vaše strane u bilo koje vrijeme prije isteka roka važenja ponude.

Sve dok Ugovor ne bude potpisan između nas, ova ponuda, zajedno sa Vašim pismenim prihvatanjem u formi obavještenja o dodjeli Ugovora, će predstavljati obavezujući dokument između nas.

Dana _____, 2019. godine

[ime i prezime i potpis]

[pozicija]

U potpunosti ovlašten da potpiše ovu ponudu u ime i za račun

[naziv ponuđača]

2. Garancija za uredno plaćanje – obrazac

Za: **Javno preduzeće Elektroprivreda Bosne i Hercegovine d.d. – Sarajevo**
Vilsonovo šetaliste 15, 71000 Sarajevo, Bosna i Hercegovina

[datum i mjesto izdavanja]

Garancija za uredno plaćanje broj: *[broj garancije]*
(u daljem tekstu "Garancija")

Mi *[naziv i adresa banke]* pozivamo se na Ugovor o prodaji i kupovini, isporuci i prijemu električne energije broj: *[broj i datum Ugovora]* (u daljem tekstu "Ugovor") potpisan između Vas i *[naziv i adresa Kupca]* (u daljem tekstu "Kupac"). U skladu sa gore navedenim Ugovorom zahtijeva se garancija za uredno plaćanje u visini maksimalne dvomjesečne ugovorene isporuke kao osiguranje ispunjavanja obaveze plaćanja Kupca po ovom Ugovoru.

U skladu sa izloženim, ovim se mi *[naziv i adresa banke]* neopozivo i bezuslovno obavezuje da ćemo na Vaš prvi pismeni zahtjev platiti svaki iznos do maksimalnog iznosa od

EUR [KM] _____

[slovima: EUR [KM]]

(sa PDV-om za isporuku unutar elektroenergetskog sistema Bosne i Hercegovine)

nakon prijema Vašeg pismenog zahtjeva u kojem izjavljujete da je Kupac propustio obavezu plaćanja prema gore navedenom Ugovoru na datum dospijeca.

U cilju identifikacije, Vaš zahtjev za plaćanje sa izjavom moraju biti proslijeđeni nama preko Vaše poslovne banke koja će potvrditi pravnu valjanost potpisa ovlaštenog lica u Vašoj kompaniji. Ako će u ovom smislu pomenuta banka koristiti swift, ona, u svakom slučaju, treba da prenese potpuni tekst Vašeg zahtjeva za plaćanje kao i navedenu izjavu, istovremeno potvrđujući da su originali ovih dokumenata, pravno valjani za Vašu kompaniju, proslijeđeni nama.

Sa svakim plaćanjem izvršenim po ovoj Garanciji, naša obaveza će se srazmjerno smanjiti.

Naša Garancija važi do i uključujući do **10.11.2019. godine // 10.02.2020. godine** nakon kojeg datuma ista automatski i u cjelosti ističe, neovisno od toga da li nam je ovaj dokument vraćen ili ne, osim ukoliko je Vaš naprijed opisani zahtjev za plaćanje i Vaša izjava, ili je naprijed opisani swift proslijeđen od vaše banke u našem posjedu, u našim prostorijama najkasnije tog dana i do isteka našeg radnog vremena ili prije.

Ova Garancija glasi na Vas i nije dodjeljiva ili prenosiva na treća lica.

Ova Garancija podliježe Jednoobraznim pravilima za garancije na poziv, publikacija Međunarodne Trgovinske Komore broj 758, 2010.

Potpis

3. Izjava o obezbjedenju garancije – obrazac

Naziv tendera: **Prodaja električne energije za period juli - decembar 2019. godine, Ref. No. SE19/T-05**

Za: **Javno preduzeće Elektroprivreda Bosne i Hercegovine d.d. - Sarajevo, Vilsonovo šetalište 15, 71000 Sarajevo, Bosna i Hercegovina**

Nakon pregleda Tenderske dokumentacije, uključujući amandmane, koje smo u potpunosti primili k znanju, mi, dole potpisani, obavezujemo se da ćemo u slučaju da budemo izabrani kao uspješni ponuđač dostaviti bankarsku garanciju za uredno plaćanje u skladu sa Tenderskom dokumentacijom, od Banke za koju smo dobili prethodnu saglasnost od JP Elektroprivreda BiH.

Banka izdavalac: _____

Dana _____, 2019. godine

[ime i prezime i potpis]

[pozicija]

[naziv ponuđača]

Sekcija IV
Forma Ugovora

UGOVOR
O PRODAJI I KUPOVINI, ISPORUCI I PRIJEMU ELEKTRIČNE ENERGIJE

zaključen između:

Javnog preduzeća Elektroprivreda Bosne i Hercegovine d.d. – Sarajevo,
Vilsonovo šetalište 15, 71000 Sarajevo, Bosna i Hercegovina,
kojeg zastupa **Bajazit Jašarević**, Generalni direktor i **Džemo Borovina**, Izvršni direktor za
snabdijevanje i trgovinu,

u daljem tekstu “**JP Elektroprivreda BiH**” ili “**Prodavac**”

i

ime Kompanije
Adresa, Grad, Država
kojeg zastupa **ime i pozicija potpisnika**

u daljem tekstu “**skraćeno ime**” ili “**Kupac**”

Prodavac i Kupac se ponekad nazivaju zajednički kao “**Strane**” i pojedinačno kao “**Strana**”.

Član 1.
Predmet Ugovora

- 1) Predmet ovog Ugovora je prodaja i kupovina, isporuka i prijem električne energije.
- 2) Prodavac će isporučiti Kupcu, a Kupac će preuzeti od Prodavca Ugovorne količine električne energije po Ugovornom kapacitetu na Mjestu isporuke.

Član 2.
Isporuka i količine

- 1) Prodavac će isporučiti električnu energiju u skladu sa standardima Nezavisnog operatora sistema u Bosni i Hercegovini (NOS BiH).
- 2) Električna energija biće isporučena u bandu (od 00:00 do 24:00 sati, svakog dana) prema sljedećoj mjesečnoj dinamici:

mjesec	VII	VIII	IX	X	XI	XII
MW						
MWh						

Isporuka električne energije će početi dana xx.xx.2019. godine u 00:00 sati, a završiti dana xx.xx.2019. godine u 24:00 sati.

- 3) Ugovorna količina električne energije je _____ (MWh).
- 4) Isporuka će biti izvršena stavljanjem na raspolaganje Ugovorne količine po Ugovornom kapacitetu na Mjestu isporuke u skladu sa tačkama 2) i 3) ovog Člana. Isporuka i prijem Ugovorne količine i prijenos sa Prodavca na Kupca svih prava vlasništva, slobodnog od bilo kakvih tereta, obaviti će se na Mjestu isporuke.
- 5) Mjesto isporuke biće: (a) DAP granice elektroenergetskog sistema Bosne i Hercegovine sa Hrvatskom, ili sa Srbijom, ili sa Crnom Gorom; ili (b) unutar elektroenergetskog sistema Bosne i Hercegovine.
- 6) Svaka Strana je odgovorna da osigura da se isporuka i prijem električne energije mjere i verificiraju na način koji se može evidentirati u skladu sa procedurama Nezavisnog operatora sistema u Bosni i Hercegovini.
- 7) Prodavac će snositi sve rizike povezane sa i biće odgovoran za svaki trošak ili naknade uzrokovane, ili povezane sa prijenosom i isporukom Ugovorne količine do Mjesta isporuke. Kupac će snositi sve rizike povezane sa i biće odgovoran za svaki trošak ili naknade uzrokovane, ili povezane sa prijemom i prijenosom Ugovorne količine na i od Mjesta isporuke.
- 8) Promjena Ugovorne količine, ili Ugovornog kapaciteta, ili dinamike isporuke, ili prekid isporuke, ili prijema električne energije, mogu nastati samo na osnovu sporazuma obje Ugovorne strane u pisanoj formi, ili pod uslovima iz Člana 6) (*Neizvršenje obaveza zbog Više sile*), ili Člana 8) (*Obustava isporuke*).

Član 3.
Ugovorna jedinična cijena

- 1) Ugovorna jedinična cijena za isporučenu i preuzetu električnu energiju, na Mjestu isporuke, biće
_____ EUR [KM]/MWh

(slovima: _____ EUR [KM]/MWh)
[bez PDV-a za isporuku unutar elektroenergetskog sistema Bosne i Hercegovine].

Član 4. Uslovi plaćanja

- 1) Prodavac šalje Kupcu mjesečni račun putem fax-a/email-a i putem pošte tokom kalendarskog mjeseca koji slijedi nakon mjeseca u kojem je bila isporuka električne energije, na kojem će biti naznačena isporučena količina električne energije iz prethodnog mjeseca i jedinična cijena iz Člana 3) (*Ugovorna jedinična cijena*).
- 2) Najkasnije na dan koji predstavlja (a) 20-ti (dvadeseti) dan kalendarskog mjeseca, odnosno, ako to nije radni dan, naredni radni dan, ili (b) 5-ti (peti) radni dan nakon prijema fakture fax-om/email-om (šta god nastupi kasnije) ("Dan Dospijeća"), Kupac će platiti telegrafskim transferom slobodno raspoloživih sredstava iznos koji je naveden u fakturi na adresu plaćanja ili bankovni račun koji je dao Prodavac. Takva isplata biće u EUR [KM] bez odbitaka i zadržavanja, tako da će Prodavac primiti ukupan iznos koji je fakturisan.
- 3) Za zakašnjela plaćanja biće obračunate kamate od i uključujući Dan Dospijeća, isključujući datum plaćanja, a po Kamatnoj stopi. [Za strane ponuđače, "Kamatna stopa" biće 12% p.a. (dvanaest procenata godišnje)]. [Za domaće ponuđače, Kamatna stopa će se obračunavati u skladu sa zakonskom regulativom Federacije BiH].
- 4) Ukoliko Kupac u dobroj vjeri osporava tačnost ispostavljene mjesečne fakture prema tački 1) ovog Člana, odmah će dostaviti pismeno obrazloženje svog neslaganja i platiti nesporan iznos iz mjesečne fakture ne kasnije od Dana Dospijeća. Ukoliko bude utvrđeno da se sporni iznos, koji je zadržan u stvari duguje, zadržani iznos će Prodavcu biti uplaćen u roku od 10 (deset) dana od dana kada je to utvrđeno. U ovom slučaju kamate biće obračunate prema "Kamatnoj stopi".
- 5) Ne kasnije od **10.06.2019. godine // 10.09.2019. godine** Kupac će dostaviti Prodavcu original Garancije za uredno plaćanje u visini maksimalne dvomjesečne ugovorene isporuke izdanu od strane prvoklasne banke prihvatljive za Prodavca kojom će garantovati plaćanja Prodavcu na njegov prvi zahtjev bez ikakvih prava na primjedbu.
- 6) Ako Kupac ne plati dospjelu mjesečnu fakturu za energiju po ovom Ugovoru, Prodavac će aktivirati Garanciju za uredno plaćanje 3 (tri) dana nakon poslanog obavještenja i obustaviti isporuku električne energije prema Članu 8) (*Obustava isporuke*).

Član 5. Porezi i takse

- 1) Ukoliko nije posebno naglašeno svi iznosi po ovom Ugovoru su iskazani bez poreza i taksu. Tretman poreza i taksu trgovine električnom energijom po ovom Ugovoru biće utvrđen u skladu sa zakonima jurisdikcije gdje se smatra da se oporeziva transakcija za svrhu poreza i taksu dogodila.
- 2) Prodavac će platiti ili učiniti da budu plaćeni svi porezi u vezi sa Ugovornom količinom električne energije koji nastaju prije transfera rizika i vlasništva do Mjestu isporuke. Kupac će platiti ili učiniti da budu plaćeni svi porezi u vezi sa Ugovornom količinom električne energije koji nastaju nakon transfera rizika i vlasništva na i od Mjesta isporuke. U slučaju iz tačke 1) ovog člana, Strane će platiti sve poreze ovisno od tačke transfera rizika i vlasništva na Mjestu isporuke u skladu sa primjenjivim lokalnim zakonima.

Član 6. Neizvršenje obaveza zbog Više sile

- 1) "Viša sila" znači nastupanje događaja koji je izvan realne kontrole Strane koja se poziva na Višu silu („Strana koja se poziva na Višu silu“), koji ona osnovano nije mogla izbjeći ili prevazići i koji čini nemogućim za Stranu koja se poziva na Višu silu da izvrši svoje obaveze isporuke ili prijema, uključujući, ali ne ograničavajući se na nastupanje jednog ili više sljedećih događaja:

- a) kvar u komunikacionim i kompjuterskim sistemima relevantnih Mrežnih operatora koji sprječavaju Stranu da izvrši svoje obaveze isporuke ili prijema;
 - b) obustava isporuke ili prijema od strane relevantnog Mrežnog operatora ili njegovo neuvažavanje obaveze Strane u pogledu rasporeda isporuke po ovom Ugovoru;
 - c) ograničenja nametnuta od strane regulatornih autoriteta u Bosni i Hercegovini i/ili regulatornih autoriteta susjednih zemalja koja sprječavaju ispunjenje Ugovornih obaveza. U slučaju da su ta ograničenja samo djelimične prirode, Strani koja se poziva na Višu silu nije dozvoljeno da stavlja drugu Stranu u nepovoljniji položaj u odnosu na svoje druge partnere koji bi isto tako mogli biti pogođeni tako nametnutim ograničenjima;
 - d) druge nepredviđene okolnosti ili događaji: rat, štrajk, prirodne nepogode, velike havarije u proizvodnim objektima Prodavca koje su izvan razumne kontrole Prodavca i koje su u saglasnosti sa opštom definicijom Više sile.
- 2) Ako je jedna Strana u potpunosti, ili djelimično, zbog Više sile spriječena da izvršava svoje obaveze isporuke ili prijema po ovom Ugovoru, a u svemu postupa u skladu sa zahtjevima iz tačke 3) ovog Člana, smatrat će se da nije došlo do kršenja obaveza ili neizvršenja od te Strane i ona će biti oslobođena (a ne samo suspendirana) od tih obaveza za vremenski period i u obimu dokle takva Viša sila sprječava njeno izvršenje. Ta Strana neće imati nikakvu obavezu za plaćanje štete shodno Članu 7) (*Nadoknade za neizvršenje isporuke i prijema*) u pogledu onih količina koje nisu isporučene ili primljene.
 - 3) Strana koja se poziva na Višu silu će, nakon što sazna za Višu silu, što je prije praktično moguće obavijestiti drugu Stranu o nastanku Više sile i, do mjere koliko je moguće, obezbijediti drugoj Strani neobavezujuću procjenu obima i očekivanog trajanja njene spriječenosti da izvršava Ugovorne obaveze. Ta Strana će poduzeti sve komercijalno opravdane napore da ublaži efekte Više sile i, tokom trajanja Više sile, ona će drugoj Strani obezbijediti ažurne informacije, ukoliko je to moguće, o obimu i očekivanom trajanju njene spriječenosti da izvršava Ugovorne obaveze.
 - 4) U slučaju i u obimu u kojem je Prodavac oslobođen obaveza isporuke zbog Više sile, Kupac će takođe biti oslobođen odgovarajućih obaveza prijema i plaćanja. U slučaju i u obimu do kojeg je Kupac oslobođen obaveza prijema zbog Više sile, Prodavac će takođe biti oslobođen odgovarajućih obaveza isporuke.
 - 5) Propust Kupca da obezbijedi prekogranični prijenosni kapacitet ne smatra se Višom silom. U slučaju da Kupac propusti da obezbijedi prekogranični prijenosni kapacitet, postupat će se po tački 2), Član 7) (*Nadoknade za neizvršenje isporuke i prijema*).

Član 7.

Nadoknade za neizvršenje isporuke i prijema

- 1) Ukoliko Prodavac ne izvrši isporuku Ugovorne količine električne energije u cjelini ili djelimično u skladu sa Članom 2) (*Isporuka i količine*) ovog Ugovora i takav propust nije opravdan slučajem Više sile, ili okolnostima koje je izazvao/doprinijeo Kupac, Prodavac će Kupcu kao nadoknadu za štete isplatiti iznos za takvu količinu neisporučene električne energije koji je jednak proizvodu:
 - a) iznosa (ako je pozitivan) razlike u cijeni između: cijene po kojoj Kupac djelujući na komercijalno opravdan način jeste, ili bi bio u mogućnosti, da kupi, ili na drugi način nabavi na tržištu količinu neisporučene električne energije i Ugovorne cijene i
 - b) količine neisporučene električne energije.

Takav iznos će biti uvećan za dodatne troškove prijenosa i druge opravdane i dokazive troškove i izdatke koje je pretrpio Kupac kao rezultat neizvršenja Prodavca.

- 2) Ukoliko Kupac propusti u cjelini, ili djelimično, da prihvati Ugovornu količinu električne energije u skladu sa Članom 2) (*Isporuka i količine*) ovog Ugovora i takav propust se ne može opravdati slučajem

Više sile ili okolnostima koje je izazvao/doprinijeo Prodavac, Kupac će kao nadoknadu za štete platiti Prodavcu iznos za količinu neprimljene električne energije koji će biti jednak proizvodu:

- a) iznosa (ako je pozitivan) za koji Ugovorna cijena prelazi cijenu po kojoj Prodavac jeste, ili bi bio u mogućnosti, da proda na tržištu količinu nepreuzete električne energije djelujući na komercijalno opravdan način i
- b) količine nepreuzete električne energije.

Takav iznos će biti uvećan za dodatne troškove prijenosa i druge opravdane i dokazive troškove i izdatke koje je pretrpio Prodavac kao rezultat neizvršenja Kupca.

- 3) Iznosi koji su dospjeli na plaćanje u skladu sa ovim Članom biće fakturisani i plaćeni u skladu sa Članom 4) (*Uslovi plaćanja*).

Član 8. Obustava isporuke

- 1) Dodatno svakom drugom pravu ili nadoknadi koji su dostupni Prodavcu, ako bi Kupac bio u neizvršenju bilo kojeg plaćanja koje je dospjelo po ovom Ugovoru, Prodavac će biti ovlašten da 3 (tri) dana nakon slanja pisane obavijesti Kupcu, odmah obustavi daljnju isporuku električne energije i biće oslobođen i ne samo suspendiran od svojih preostalih obaveza isporuke po ovom Ugovoru dok ne primi punu uplatu, uključujući sve ugovorene kamate i troškove svih neizmirenih iznosa koji se duguju Prodavcu.

Član 9. Raskid i proračun iznosa raskida Ugovora

- 1) Sve dok nije završena realizacija Ugovora, ovaj Ugovor ne može biti prekinut zbog bilo kojih osim opravdanih razloga, ili uzajamnim pristankom Ugovornih strana. Ovi opravdani razlozi uključuju sljedeće:
 - a) dospjeli iznos nije plaćen unutar 5 (pet) radnih dana od dana prijema pisma u kojem se Kupac upozorava da taj slučaj može voditi ka raskidu Ugovora i nadoknadi za neizvršenje obaveze saglasno tački 2), Člana 7) (*Nadoknade za neizvršenje isporuke i prijema*);
 - b) propust Strane da ispuni obaveze isporuke ili prijema električne energije po ovom Ugovoru, osim ako je takve obaveze oslobođena po Članu 6) (*Neizvršenje obaveza zbog Više sile*) duže od 7 (sedam) uzastopnih dana, ili duže od 7 (sedam) dana ukupno u periodu od 60 (šezdeset) dana;
 - c) ukoliko je podnešen zahtjev za pokretanje postupka nesolventnosti/stečaja prema drugoj Strani;
 - d) Viša sila koja traje duže od 30 (trideset) uzastopnih dana.
- 2) Ako su se materijalni razlozi opisani u tački 1) ovog Člana dogodili i traju, Strana koja nije u propustu može raskinuti ovaj Ugovor uz prethodno pisano obavještenje drugoj Strani. To obavještenje će sadržavati relevantne materijalne razloge za raskid i utvrditi datum raskida Ugovora.
- 3) U slučaju raskida Ugovora, Strane neće imati bilo kakve obaveze da realizuju isporuku ili plaćanje, a koje bi dospjele poslije efektivnog datuma raskida Ugovora.
- 4) Strana koja raskida Ugovor će izračunati iznos ("Iznos raskida") koji će biti plaćen u slučaju Raskida tako što će izračunati "Iznos poravnanja" za ovaj Ugovor, uključujući sve druge iznose plative između Strana u okviru ili u vezi sa ovim Ugovorom.
- 5) "Iznos poravnanja" za ovaj Ugovor će biti Dobici umanjeni za ukupne Gubitke i Troškove koje je Strana koja raskida imala zbog raskida ovog Ugovora. U svrhu ove odredbe:
 - a) "Troškovi" znači brokerske naknade, provizije i druge troškove prema trećim stranama i troškove koje je opravdano snosila Strana koja raskida bilo raskidanjem bilo kog aranžmana kojim je

osigurala svoje obaveze ili zaključivanjem novog aranžmana koji zamjenjuje raskinuti Ugovor, kao i sve opravdane pravne naknade i troškove koje je snosila Strana koja raskida u vezi sa raskidom ovog Ugovora;

- b) "Dobici" znači iznos jednak sadašnjoj vrijednosti ekonomske koristi koju ima Strana koja raskida, ako isti postoji (ne uključujući troškove), a koji dobije kao posljedicu raskida ovog Ugovora i koji je određen na komercijalno razuman način;
 - c) "Gubici" znači iznos jednak sadašnjoj vrijednosti ekonomskog gubitka Strane koja raskida, ako ga ima (ne uključujući troškova), a koji dobije kao posljedicu raskida ovog Ugovora i koji je određen na komercijalno razuman način.
- 6) U računanju Iznosa poravnjanja, Strana koja raskida može, ali nije obavezna, da po svom nahodjenju, izračuna Dobitke i Gubitke, a da ne ulazi u bilo kakve zamjenske transakcije.
- 7) **Ukoliko Kupac ne dostavi Garanciju za uredno plaćanje u skladu sa tačkom 5., Člana 4) (Uslovi plaćanja), Kupac će Prodavcu platiti naknadu štete u iznosu 20% od ukupne vrijednosti Ugovora i Ugovor će se smatrati automatski raskinutim.**

Član 10. Raskid zbog stečaja

- 1) Ako jedna Strana ima protiv sebe pokrenutu proceduru kojom se zahtijeva presuda o nesolventnosti ili bankrotu, ili bilo kojom drugom lijeku u okviru bilo kojeg zakona o stečaju ili nesolventnosti ili ako je podnesen zahtjev za stečaj ili likvidaciju ("Stečaj"), onda će ovaj Ugovor biti automatski raskinut u trenutku koji neposredno prethodi formalnom započinjanju Stečaja. U tom slučaju ta Strana će odmah obavijestiti drugu Stranu o situaciji Stečaja.
- 2) U slučaju "Stečaja" druga Strana ("Strana koja raskida") nema obavezu slanja obavijesti o raskidu unaprijed.
- 3) Ukoliko se Strane usaglase pisanim putem da i pored Stečaja nastave realizaciju ovoga Ugovora, isti neće biti automatski raskinut.

Član 11. Ograničenje od odgovornosti

- 1) Osim u pogledu iznosa koji se plaćaju na osnovu Člana 6) (*Neizvršenje obaveza zbog Više sile*), Člana 7) (*Nadoknade za neizvršenje isporuke i prijema*), Člana 9) (*Raskid i proračun iznosa raskida Ugovora*) i Člana 18) (*Povjerljivost*), Strana nije odgovorna drugoj Strani za gubitak, troškove, izdatke ili štetu („Šteta”) (uključujući, između ostalog, odgovornost zbog neregularnosti prilikom isporuke električne energije u skladu sa ovim Ugovorom) koju je pretrpila druga Strana na osnovu ili u vezi sa ovim Ugovorom, osim kada je nastala Šteta rezultat grube nepažnje, namjernog propuštanja ili prevare Strane.
- 2) Odgovornosti Strane po ovom ili u vezi sa ovim Ugovorom ne uključuje odgovornost za indirektnu Štetu, uključujući, između ostalog, izmaklu korist, „goodwill“, propuštenu poslovnu mogućnost, ili očekivanu uštedu.
- 3) Radi izbjegavanja sumnje, svaka Strana prihvata da je dužna da umanjí nastalu Štetu i obavezuje se da će učiniti komercijalno odgovarajuće napore kako bi svela na minimum Štetu koju može da pretrpi na osnovu ili u vezi sa ovim Ugovorom.

Član 12. Rješavanje sporova

- 1) U slučaju bilo kojeg spora u vezi sa realizacijom ovog Ugovora, Strane će uz maksimalan trud i sa dobrom vjerom pokrenuti pregovore s ciljem da pokušaju naći rješenja koja najbolje odgovaraju datoj situaciji.
- 2) Ako pregovori budu neuspješni nakon jednog mjeseca od dana kada su pregovori pokrenuti, spor će biti prosljeđen na rješavanje arbitraži po UNCITRAL arbitražnim pravilima, od strane tri arbitra imenovana u skladu sa navedenim pravilima, čime se isključuje jurisdikcija redovnih sudova. Mjesto arbitraže biće Sarajevo, a jezik Bosanski. Ugovorne strane se ovdje obavezuju da će poštovati odluku arbitraže kao konačnu.
- 3) Ovaj Ugovor biće interpretiran u skladu sa zakonima Bosne i Hercegovine.

Član 13. Obavještanja

- 1) Dispečerski centri, ili neka druga tijela, definisana od Strana biće odgovorni za operativna i tehnička pitanja koja se tiču isporuke i prijema električne energije prema ovom Ugovoru.
- 2) Obavještenja, računi i drugi dokumenti koje Strane šalju jedna drugoj u vezi ovog Ugovora biće poslane na fax/email specificiran ispod. Svaka strana može promijeniti brojeve fax-a dajući pismeno obavještenje drugoj Strani.

za Prodavca:

Smajo Bišanović
Rukovodilac Sektora za upravljanje i trgovinu
ili Dispečerski centar
tel: +387 33 751 300 / 751 398(9)
fax: +387 33 751 302
email: s.bisanovic@epbih.ba
epbih.trade@epbih.ba

za Kupca:

Ime i prezime
Funkcija
tel.:
fax:
email:

Član 14. Izjave i garancije

- 1) Strana ovim izjavljuje i garantira drugoj Strani, nakon stupanja u ovaj Ugovor, kako slijedi:
 - a) da je Subjekt koji je propisno organizovan, koji zakonito postoji i u dobrom je položaju po zakonima države u kojoj je registrovan;
 - b) da potpisivanje i zaključenje ovog Ugovora i izvršenje obaveza koje su predviđene u ovom Ugovoru, ne predstavlja kršenje odredaba njenih osnivačkih akata;
 - c) da ima sposobnost i ovlaštena je da izvrši, isporuči i obavi svoje obaveze po ovom Ugovoru, te je preduzela sve neophodne aktivnosti autorizacije takvog izvršenja, isporuke, obavljanja i svog stupanja u ovaj Ugovor i njegovog izvršenja, te ne krši i nije u konfliktu sa bilo kojim drugim uslovom bilo kojeg drugog ugovora u kojem je Strana ili bilo kojeg drugog konstituirajućeg dokumenta, pravila, zakona ili regulative primjenjive;
 - d) da ima sve vladine i regulatorne ovlasti, odobrenja i saglasnosti neophodne za legalno obavljanje svojih obaveza po ovom Ugovoru;

- e) u pogledu Strane da nije nesolventna, te da ne postoje očekivane ili prijeteće pravne ili administrativne procedure u kojima je Strana, a koje bi po njenom znanju materijalno negativno uticale na sposobnost izvršenja ovog Ugovora.

Član 15. Prijenos

- 1) Niti jedna Strana neće biti ovlaštena da prenese svoja prava i obaveze po ovom Ugovoru – djelimično ili u cijelosti – trećoj strani, bez pismene saglasnosti druge Strane. Ta saglasnost neće biti neosnovano odgođena, odbijena ili zadržana.

Član 16. Razno

- 1) Ukoliko bilo koja odredba ovog Ugovora postane nelegalna, nevažeća ili neprovodiva, u bilo kojem pogledu, po zakonu bilo koje relevantne jurisdikcije, niti legalnost, niti validnost, niti provodivost ostalih odredbi ovog Ugovora, neće na bilo koji način biti ugrožena ili umanjena time. Strane se obavezuju zamijeniti bilo koju nelegalnu, nevažeću ili neprovodivu odredbu, legalnom, validnom i provodivom odredbom koja je definirana na način da što bliže moguće korespondira nevažećoj odredbi u pogledu njene ekonomske namjere.
- 2) Svaka Strana ima pravo snimati telefonske razgovore vođene u vezi sa ovim Ugovorom i koristiti iste kao dokaz. Svaka Strana se odriče bilo koje dalje obavijesti o takvom snimanju i prihvata da je dobila sve neophodne saglasnosti svojih službenika i uposlenika za takva snimanja.
- 3) Sva obavještenja, izjave ili računi poslani od jedne Strane drugoj Strani biće u pisanoj formi i isporučeni poštom i fax-om/email-om. Svaka Strana može promijeniti svoje informacije o obavijesti dajući pisano obavještenje drugoj Strani.
- 4) Svi amandmani ili dodaci ovom Ugovoru biće u pisanoj formi i potpisani od obje Strane.
- 5) Strane ne namjeravaju da bilo koja treća strana ima bilo koja prava ili bude u mogućnosti da ih ima po ovom Ugovoru.

Član 17. Efektivnost

- 1) Ovaj Ugovor stupa na snagu obostranim potpisivanjem.

Član 18. Povjerljivost

- 1) Ako nije drugačije utvrđeno, Ugovorne strane će sve informacije koje se tiču ovog Ugovora i njegove implementacije, koje nisu javno objavljene, smatrati povjerljivim prema trećoj strani.
- 2) Niti jedna Strana neće otkriti bilo koji dio Ugovora trećoj strani bez prethodne pismene saglasnosti druge Strane, osim ako je treća strana ovlaštena zakonom.

Član 19.
Broj primjeraka i jezik teksta Ugovora

- 1) Ovaj Ugovor je sačinjen i potpisan u 2 (dva) istovjetna primjerka na bosanskom jeziku i 2 (dva) istovjetna primjerka na engleskom jeziku, pri čemu svaka Strana zadržava po 1 (jedan) primjerak Ugovora na bosanskom jeziku i 1 (jedan) primjerka Ugovora na engleskom jeziku. U slučaju različitog tumačenja, prevladava tekst Ugovora na bosanskom jeziku.

za Prodavca

za Kupca

Bajazit Jašarević

Džemo Borovina

Ime i Prezime

Generalni direktor

Izvršni direktor
za snabdijevanje i trgovinu

Pozicija

Datum:

Broj: